


بِسْمِ اللَّهِ الرَّحْمَنِ الرَّحِيمِ

# TARBIYYAT SYLLABUS 2025



وَالَّذِينَ جَاءُوا فِينَا لِنَهْدِيَنَّهُمْ سُبُلَنَا ۖ

**Et banne ki litté pou Nou cause- certainement  
Nous pou guide banne-la lor Nou banne  
simés.**

*(Surah Al Ankabut, 29:70)*



Lajna Imaillah Mauritius

Member of CMA

## Contenus

Introduction a Syllabus Tarbiyyat.....	3
La liste banes abréviations.....	4
Ahad de Lajna Imaillah .....	5
Terme 1: Janvier ziska Mars 2025 .....	6
Terme 2: Avril ziska Juin 2025 .....	14
Terme 3: Juillet ziska Septembre 2025 .....	25

*Bismillah ir Rahman ir Rahim*

## **Introduction a Syllabus Tarbiyyat**

- Sa Syllabus la li pou période de Janvier à Septembre 2025.
- Li ene guide pou banes Secrétaires Tarbiyat local pou zotte prépare banes classes Tarbiyyat pendant l'année, couma ti fini annoncer pendant le *Refresher Course*.
- Dans sa syllabus la ena banes ressources ki banes secrétaires Tarbiyat pou servi dans faire sa banes classes la.
- Syllabus la li diviser en 3 termes, donc bisin faire 1 classe tarbiyyat dans chaque terme.
- Bisin couvert **tous** banes contenus ki ena dans sa syllabus la pendant banes classe.
- A part banes contenus ki ena dans syllabus la, banes sadr kapave organise banes activités additionel, dependant de banes préférences ki zotte banes membres ena.
- Nous faire dua ki Allah mette barakat dans tous zeffors ki nous faire et ki sa Syllabus la vinne ene moyen pou nous faire Tarbiyyat de banes lajna d'ene meilleur façon. Ameen.

## La liste banes abréviations

Banes secretaire Tarbiyat et Sadr bisin assurer ki banes membres prononce banes abréviations dans zotte formes **complets** :

**SAW/SA** Ene abréviation pou *Sallallahu alaihi wa sallam*

ki veut dire, La paix et bénédictions d'Allah lor li, ki finne écrire après le nom du Saint Prophète (saw)

**AS** Ene abréviation pou *Alaihissalam*

ki veut dire La paix lor li, ki finne écrire après le nom de banes Prophètes apart le Saint Prophète (saw) et pou banes madames pieuses avant l'époque du Saint Prophète (saw).

**RA** Ene abréviation pou *Radiallahu anhu/anha/anhum*

ki veut dire, ki Allah sois contan de li/zotte, ki finne écrire après noms de banes Compagnons du Saint Prophète (saw) et banes Compagnons du Messie Promis (as).

**RH** Ene abréviation pou *Rahimullah,*

ki veut dire, ki Allah ena pitié lor li, ki finne écrire après noms de banes Musulmans pieux ki finne décédés mais ki pas ti banes Compagnons.

**ATBA** : Ene abréviation pou *Ayyadahullahu' Ta'Ala bi Nasrihil Aziz*

Ki veut dire, ki Allah accorde li So l'aide Divine, ki finne écrire après nom de nous Khalifa actuel.

## Ahad de Lajna Imaillah

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ  
وَرَسُولُهُ

**Ash-hadu alla Ilaaha illa-Ilaahu Wahdahoo Laa  
Shareeka Lahu Wa-Ash-hadu Anna Muhammadan‘Abduhoo Wa  
Rasooluhu.**

Mo attester ki pena personne digne d’adoration excepter Allah. Li  
Ene. Li pena partenaire. Et mo attesté ki Muhammad (saw) so  
serviteur et messazer.

میں اقرار کرتی ہوں کہ اپنے مذہب اور قوم کی خاطر اپنی جان، مال،  
وقت اور اولاد کو قربان کرنے کے لئے ہر دم تیار رہوں گی۔ نیز سچائی  
پر ہمیشہ قائم رہوں گی اور خلافت احمدیہ کو قائم رکھنے کیلئے ہر قربانی کے  
لئے تیار رہوں گی۔

ان شاء اللہ

**Mein Iqraar karti houn ké apné mazhab aur qaum ki khaatir apni  
Jaan, Maal, waqt aur awlad ko Qurban karné ké liyé har dam  
tayaar rahoungi. Neiz sachayi par hameisha qaim rahoungi aur  
Khilafaté Ahmadiyya ko qaim rakhné ké liyé, har Qurbani ké liyé  
tayaar rahoungi. Insha’Allah**

« Mo affirmé ki mo pou toujours prête pou sacrifier mo lavi, mo  
dibien, mo letemps et mo zenfans pou la cause de la foi et de la nation.  
Mo pou toujours marche lors la vérité et mo pou toujours prête pou fer  
tou sacrifice pou la continuation de khilafat-e-Ahmadiyya, Insha  
Allah. »

## **Terme 1: Janvier ziska Mars 2025**

### **Thème: Nou Ahad**

#### **1. Tilawat Quran**

Chapitre 48 Versets 9 à 11 et traduction en Urdu et Creol

#### **2. Ahad et dua**

#### **3. Short welcome speech by branch Sadr.**

#### **4. Nazm**

#### **5. Tarbiyat program- To be carried out by a moderator (appointed by the Branch sadr) :**

Nous program azordi li basé lor le thème « Nou Ahad »

Li important ki chaque membre de la Lajna réfléchi lor nou Ahad et gagne ene connaissance plus approfondi lor la afin ki nous kapave compran importance de sacrifice ki nous finne promette pou faire dans nous Ahad.

Nous pou présente quelques extraits d'ene discours ki Huzur (atba) ti faire a l'occasion de Jalsa Salana l'Amérique, kot li ti adresse banes Lajna.

Huzur (atba) dire :

« Ene fois, Hazrat Khalifatul-Masih II (ra) ti dire : “Si zot reform 50 % banes madame, Islam pou gagne la victoire.”

Donc, sa c'est l'importance d'ene madame et so statut. Par sa, chaque madame et tifi Ahmadi bisin réalise zotte l'importance et zotte responsabilité.

Kan nous rappel banes madames dans l'histoire de Islam et de la Jamaat Ahmadiyya, nous pou trouver ki ena plusieurs exemples de banes madames ki finne faire banes grand grand sacrifices. Parfois, banes madame ti ena ene nivo d'adoration ti plus haut ki banes missiers. Banes sacirifices financier banes madame ti pli haut ki banes missiers. Sacirifices de banes madames en ceki concerne zot sentiment ek émotion ti pli gran aussi. Sacrifices banes madame pou zot zanfani ti pli gran ki banes missier. Ek mem, banes sacrifices zot lavi pa ti moins ki banes missiers. Ena meme banes missiers ki finnn montre banes grand exemple de bravoure ek courage, et tousa ti a cause l'éducation ki zotte banes mamans finne donne zotte. Sa banes mamans la ti pe envoie zotte banes zenfans lor banes champ de bataille pou defanne Islam, en disant : “Si to pa sacrifier to lavi, rappel ki to nepli mo zenfan. »

Pou résumé, dan tou banes domaine ki nous guetter, banes madame pas finne ziss amene ene révolution, mais ti aussi ene moyen pou amene ene changement total dans destin de l'humanité.

Banes Lajna ek Nasirat faire le Ahad dan chaque Ijtema ek chaque program. Huzur (atba) dire ki « Mo esperer ki kan zot répète zot Ahad, zot aussi réfléchi lor banes mots ki ena dans sa Ahad la. Lajna affirmer ki zot pou tout le temps pres pou sacrifier zot lavi, zotte

dibien, zotte letemps ek zanafan pou la cause foi ek la communauté.

Zot dire ki zot pou tout le temps reste attacher avec la vérité ek tout le temps près pou faire sacrifices pou soutenir le Khilafat e Ahmadiyya.

Parey, banes Nasirat répète zot Ahad ki zot pou tout le temps près pou servi Islam, zot nation ek zot pays, ek pou tout le temps reste attache are la vérité. Banes Nasirat pas bisin penser ki zot encore zanafan ek zot responsabilité moins ki banes Lajna. Mem si zot encore jeune, zotte pou ena la responsabilité d'ene Lajna dans le futur.

Alor, prépare pou sa objectif la, pou ki kan sa banes responsabilité la vinn lor zot demain, zot kapav accompli zot devoir pli bien ki banes ki ti la avant zotte. Le temps passe vit. Alors, compran zot responsabilité depi aster la meme.

Banes Lajna bizin réfléchi lor dernier phrase dan zot promesse. Sa ene bien gran responsabilité ki finn donne banes madame Ahmadi, ki zot pou tout le temps près pou sacrifier tou kiksoz pou le Khilafat. »

### **Huzoor (aba) dire aussi :**

« Bisin pas penser ki si zotte **pas** faire banes sacrifices pour la continuation de Khilafat, be lera le Khilafat pou en danger. Par la Grâce Allah Tout-Puissant, Khilafat Ahmadiyya pa en danger.

Interprétation sacrifice pou soutenir le Khilafat, c'est ki chaque madame ek missier, tifi ek garson Ahmadi, faire promesse ki zot pou faire tou banes qualité sacrifice. Zotte pou assurer aussi ki zotte



accompli sa banes promesses la dans zot prop la vie de tous les jours, ainsi ki parmi banes futur générations.

Allah Tout-Puissant finn promette ki banes dimounn ki ena ene la foi solide ek ki faire banes bons actions, si zot développe deux caractéristiques la be lerla certainement zot pou bénéficié banes bénédictions parey kouma banes dimounn dan la passé. Donc, kan ene madame ou ene tifi Ahmadi faire promesse ki li pou offert tou qualité sacrifice pou soutenir Khilafat-e-Ahmadiyya, li promet ki li pou continuer fer banes plus grand progrès. Li promet ki li pou fer tou so zefor pou accompli tou banes actions ki Allah Tout-Puissant finn ordonne li pou faire, et li pou améliore so l'état constamment.

Kan ene madame Ahmadi faire sa promesse la, li osi promet ki en reformant so banes actions, li pou accmpli sa responsabilité la dan ene meilleur façon. Sa responsabilité la implique aussi l'éducation ek formation so banes zanfana. Alors ki ene madame pou porte l'attention lor zot banes besoins mondains ek zot l'éducation, li pou osi assurer ki zot gagne l'éducation spirituel ek religieux, pou ki zot osi vinn digne ek mérite sa récompense ki Allah Tout-Puissant finn promette a banes ki reste attacher ar Khilafat.”

Donc, sa c'est banes sacrifices ki nous finne promette pou faire dans nous Ahad.

Huzur (atba) finne ajouter ki :

« Banes madames bisin faire zot lavi vinne ene l'exemple pou lezot, dan zot banes actions, zot discours, ek zot banes valeurs morales.



Amène ene changement révolutionnaire dan zot propre lavi, pou ki sa vinn ene moyen pou inspire banes générations a venir. Tout le temps rapel ki zot banes désirs mondain pa bizin jamais vinne ene obstacle devant banes commandements Allah ek So Prophète (saw). Zot bizin vinne banes exemples dans zotte relation avec le Khilafat, ki li dan zot obéissance, dans zot paroles ou tous lezotte kitechoses.

---

En ceki concerne l'importance pou donne priorité nous la foi lor banes poursuites mondaines, nou bizin tout le temps rapel sa Hadith la :

Ene jour, le Saint Prophète (saw) ti rentre dan ene bazar avec so banes compagnons, ki ti pe marcher pres avec li. Arrive ene moment, li finne remarque ene cabri mort, ki ti ena banes zorey bien petit ek déformé.

Le Saint Prophète (saw) finne prend sa cabri la par ene so banes zorey ek finne demande so banes compagnons si ene parmi zot ti envie acheter li pou ene dirham. Banes compagnons ine reponn ki si cabri encore vivant, zot ti kapav considère acheter li, mem si li ena banes zorey déformé. Mais ene cabri mort nepli ena aucun valeur.

Lerla, le Saint Prophète (saw) ine reponne :

"Mo faire serment, ki dan lizié Allah, le monde matériel ena ene valeur pli bas ek pli méprisable ki sa cabri mort la. Alors, pa suive le matérialisme. Bisin plitot garde en tête ki nous priorité c'est pou

gagne la proximité et plaisir d'Allah. »

---

Pour terminer, nous ti envi présente quelques paroles du Messie Promis (as) lor banes attentes ki li ena depi banes membres de so Jamaat.

Le Messie Promis (as) dire:

« Rappelle bien ki nous Jama'at li pas pou banes dimoune mondaine ki dire ki zot forme partie d'ene Jama'at mais après zot pas ressenti nécessité pou montrer li dans la pratique, Malheureusement, c'est samem l'état de banes musulmans azordi. Si ou demande zot si zot musulmans, zot reponne 'Alhamdulillah, nous musulmans'.

Seulement sa banes meme dimounes la, zot pas faire meme namaz kuma bizin et ni zot mette en pratique banes commandements de base ki Allah finne meter pou banes musulmans. Donc, mo pas envi ki zot vine kuma banes ki nek accepter banes zafaïre avek zot la langue mais pena aukene actions derrière. Rapelle bien ki sa banes dimoune la zot coupable de paresse dans lizié Allah et Allah pas content sa ditou. C'est aköz le monde dans sa l'état la meme ki Allah finne envoie moi pou réforme l'humanité.

Azordi, banes ki dire ki zot pé déboute avec moi, mais ki en meme temps pas faire aukene zeffort pou zot réforme dans la pratique et ki penser ki ene simple déclaration verbal li suffit, zot exactement kuma banes ki rejette mo proclamation. Donc, si zot envi ki mo

proclamation li inutile et sans aukene valeur, lerla pena meme aukene raison pou ki zot associer zot avec moi. Mais si sincèrement zot envi associer zot avec moi, lerla zot bizin faire banes zefforts pou accompli but to mo l'avènement et prend par dans accompli mo banes objectifs.

Banes zefforts ki zot bizin faire ceki zot bizin prosterner devant Allah Ta'Ala avec sincérité et loyauté et mette en pratique banes enseignements du saint coran dans façon ki le Saint Prophète (saw) et so banes compagnons finne faire li. »

Ki Allah donne nous la force pou protège nous foi ek pou faire banes bonnes actions. Ki banes madames ek banes tifi réussi amene ene tel changement parmi zot, pou ki non seulement zot rehausse dignité Jama'at, mais osi propage le message du Messie Promis (as). Ameen.

### **Activity- Interactive discussion to be carried out by the moderator:**

Faire banes membres :

1. Re lire banes paroles ki ena dan Ahad Lajna.
2. Mette an avant banes kitsoz ki Lajna finne promet pou sacrifier.

### **Discussion**

« Mo pou toujours marche lors la vérité et mo pou toujours prête pou fer tou sacrifice pou la continuation de khilafat-e-Ahmadiyya, InshAllah. »

1. Donne banes exemples de ceki sa phrase la haut la veut dire.

2. Partage banes expériences ki banes membres finn gagner kan zot pe rempli zot promesse? Par exemple, ki banes sakrifis ki zot finn faire?
3. Kouma zote penser la Lajna Imaillah finn accompli banes promesses pendant sa 102 l'années ki finne passer la ?

Some examples:

The moderator can direct the members to the following points:

1. **Spiritual Growth**- Regular organization of classes, Ijtemas, and events that promote learning of the Qur'an and Hadith.
2. **Financial Contributions**- Lajna members have consistently led initiatives to fund the construction of mosques, schools, and hospitals.
3. **Global Outreach:**  
Through Tabligh efforts, Lajna members have actively shared the message of Islam Ahmadiyyat.

6. **Additional activities (Quiz/ Fun games etc) – To be organised as per members' preferences.**

--End of Tarbiyyat Class--

## **Terme 2: Avril ziska Juin 2025**

### **Thème: Drapeau de la Lajna Imaillah**

#### **1. Tilawat Quran**

Chapitre 3 versets 33-37 avec traduction Urdu et creol

#### **2. Ahad and Dua**

#### **3. Short welcome address by Branch Sadr**

#### **4. Nazm**

#### **5. Tarbiyat program- To be carried out by a moderator (appointed by the Branch sadr) :**

**Drapeau de lajna- Ene symbole puissant ek rempli de signification**

Dans sa program la, nous pou explique l'importance ek signification spirituel du drapeau Lajna.

Drapeau Lajna ena boukou symboles puissants et de nature spirituel et li aussi représente l'exemple de banes madames ki finne marque l'histoire de l'Islam.



Banes symboles ki nous trouver zotte comme suite :

- **La Lune:**

- Ene nouvelle lune li ene signe d'ene nouveau l'époque ki pé commencer au milieu tous sa obscurité spirituel ki exister dans sa l'époque actuel la.

- **L'Étoile avec six pointes :**

- Représente banes **six piliers de la foi Islamique :**

- Croire dan ene Sel Allah.
- Croire dan so Banes Anges.
- Croire dan so Banes Livres.
- Croire dan so Banes Prophètes.
- Croire dan le Jour du Jugement.
- Croire dan Taqdeer (La Décret Divin).

- **Minaret Blanc:**

- Symbolise l’accomplissement prophétique lor l’arrivée du Messie Promis (as).
- Li montrer kouma la vérité finne propager par le Minaret du Messie Promis (as).

- **Ene soleil ki pe lever depi l’Ouest:**

- Symbolise le succès ek la propagation Islam ek Ahmadiyyat dan le monde occidental, parey couma le Saint Prophète Muhammad (saw) ti prophétiser.

A propos sa prophétie la, pendant ene virtual mulaqat (21 Novembre 2021), avec banes membres Waqfe nau de la Suède, finne demande Huzur (atba) :

“ Eski li approprié pou dire ki sa prophétie *‘Soleil pou lever dans l’Ouest’* la finn réalisé depi ki Khilafat de la Communauté Musulmane Ahmadiyya finn émigrer dan l’Ouest? ”

Sa interprétation la montrer ki émigration de Khilafat vers l’Ouest li en effet, ene grand pas dans l’accomplissement sa prophétie la.

L’établissement ek l’épanouissement la Communauté Musulmane Ahmadiyya dans le monde occidental li ene reflet de sa prophétie la: ki la lumière spirituel Islam pou propager dan l’Ouest.



Huzoor (aba) dire:

“La prophétie pe realiser dan le sens ki le vrai message de l’Islam pe propager depi l’Ouest. Puisque le Khilafat finne établi dan l’Ouest, zot kapav interprète sa kouma ene interprétation personnel. Pa ena naryer mal dan interprète li dans sa façon la.

So vrai signification c’est ki, à travers le Tabligh, pou arrive ene temps kot banes dimoune dan l’Ouest pou accepter Islam en grande quantité. A travers sa, le message de Islam pou propager dans le monde en entier aussi. »

Huzur (atba) finne aussi dire ki :

« Nous bisin faire buku dua et zeffor pou ki sa accompli et nous bisin aussi établi nous propre l’exemple. Sa pou vinne ene moyen pou ki banes dimoune dans l’Ouest reussi compran l’Islam et accepter so message. Ensuite, sa pou aussi vinne ene moyen pou ki le vrai message de l’Islam reussi propager rapidement partout dans le monde ; ki li dans le Nord, le Sud, l’Est ek l’Ouest. »

Ensuite dans le drapeau de la Lajna, ena aussi :

- **Symbole de l’Oasis et trois pieds dattes.**

L’oasis représente la maternité, ek trois pieds dattes représente trois madames bénies :

- **Hazrat Hajra (as),**
- **Hazrat Maryam (as)**
- **Hazrat Amina,**

Tous les trois madames finnn donne naissance à trois Prophètes d’Allah:

- **Prophète Ismaël (as),**
- **Prophète Issa (as),**
- **ek le Saint Prophète Muhammad (saw).**

### **1. Trois pieds dattes- Hazrat Hajra (as)**

Concernant sacrifice de Hazrat Hajrah (as), Huzur (atba) dire ki « Sacrifice de la famille de Hazrat Ibrahim (as) pas ti fini la meme, c.a.d kan li finne kitte so garçon et so madame dan le désert. Au contraire, sa ti marque commencement d’ene nouveau période de sacrifice et vrai la foi en Allah, kot la maman de Hazrat Ismael (as) ; Hazrat Hajra (as), ti manifester ene la foi absolu ek ene grand confiance dans Allah le Tout-Puissant.

Huzur (atba) dire ki suite a instruction d’Allah, Hazrat Ibrahim (as) ti laisse so madame ek so garçon dan ene désert de Mecca, avec ene tigitte dattes ek imper delo.

Kan Hazrat Hajra (as) ti pe faire face a sa grand épreuve la, li ti demande so missier eski li pe laisse zot lor instruction d’Allah Tout-Puissant. Et Hazrat Ibrahim (as) finne dire li oui.

Avec ene conviction total ek ene confiance absolue dan Allah Tout-Puissant, Hazrat Hajra (as) ti reponne: ‘Si ou pe laisse nou lor l’ordre

Allah Tout-Puissant, be lerla Li pa pou laisse nous détruire. Ou kapav alle kot ou bizin aller.’

A propos sa très grand récompense ki Allah Tout-Puissant finn accorder en retour pou zot banes sakrifis la, Huzur (atba) dire:

« Hazrat Hajra (as) so la foi ek so conviction dan Allah ti bien solide. C’est sa la foi la meme ki finne permette li prononce sa banes paroles remarquable la.

Kan sa banes paroles la ti atteindre le Trône d’Allah Tout-Puissant, Allah ti dire ki Li pas pou laisse zotte sacrifice alle dans vide.

Et dans sa façon la, Allah finn récompense zotte pou sa.

Le Sceau de banes Prophètes, le Saint Prophète Muhammad (saw), ti vini depi progéniture de Hazrat Ibrahim (as) meme.

Hazrat Ibrahim (as) ti connu comme le papa spirituel et li finne mette en place ene l’exemple extraordinaire pou nous, afin ki nous kapave gagne Allah So plaisir. Et kouma nous koner aussi, ki sacrifice de Hazrat Hajra (as) li commémorer par millions ek millions banes dimounn ki alle faire Umrah ek Hajj.”

*(Khutbah Eid ul Adha– 31 juillet 2020)*

## 2. Trois pieds dattes- Hazrat Maryam (as)

Aster la, nous pou koz lor deuxième madame ki finne représenter dans le drapeau de la lajna- Hazrat Maryam (as).

Dans Quran, Chapitre 3 Verset 43, Allah dire :

*« Et quand banes anzes ti dire : « O Marie! En vérité, Allah finne soisir toi et finne pirifié toi et finne soisir toi d'ente tout banes madames dans lé monde. »*

Dan sa verset la, mot “soisir” finn servi deux fois. Ena ene raison pou sa. Dan premier lieu, sa mot la finn servi par rapport a Hazrat Maryam (as) uniquement et pas finne mentionne aucun lezotte dimounes. Sa c'est parski finne montrer ki Maryam ti possède ene rang exalté. Deuxième fois ki finne servi le mot ‘soisir’ dans sa verset la montrer nous so rang élevé par rapport a banes lezotte madames de so lepok. (5-Volume commentary, Note 333)

Ene lot place dans Quran Chapitre 66 Verset 13, finne aussi mentionner ki :

*Et oussi l'exempe Marie, ti fille Imran ki ti protéze so chasteté, ensuite Nous ti soufflé impé dépi Nou l'Esprit dans zenfant-là li-même; et li mama-là, ti attesté banes paroles so Seignère et So banes Lives et li ti ène dans banes obéissants.*

Hazrat Maryam (as), maman de Jesus (as), li représente banes serviteurs pieux d'Allah, ki pure, sans aucun péché et lor ki Allah finne envoie So la paix.

Dan le Coran, dan Hadith, ek dans plusieurs discours de banes Khulafa, nous tout le temps apprane lor kuma Hazrat Maryam (as) ti ene modèle parfait.

Le 26 Septembre 2014, a l'occasion de l'inauguration Masjid Maryam dan Galway, Irlande, en adressant à banes invités, Hazrat Khalifatul Masih al Khamis (atba) ti dire :

“Sa masjid la finne gagne le nom de ‘Maryam’. Maryam, ou bien Marie kouma zot konn li, li ena ene grand respect parmi banes musulmans et parmi banes chrétiens.

En fait, le Saint Coran finne faire mention de Maryam a plusieurs reprises et finne mette en avant statut très élevé ki li ti posséder. Islam finne honore Hazrat Maryam (as) dans ene telle façon, ki finne dire ki banes vrais croyants zote parey kuma Maryam (as).

Sa c'est parce ki Hazrat Maryam (as) ti établir ene relation très spécial avec Allah, et li finne tout le temps protège so vertu ek chasteté. Li ti développe ene l'amour spécial pour Allah, kot Allah Li meme ti adresse Li directement a Maryam (as) ek Li-mem finn attester so vérité.

Maryam (as) ti croire dan banes Livres Allah, li ti très pieuse, ek li ti atteindre ene position spécial dan so l'obéissance envers Allah. Li ti certainement ene exemple pou tou banes vrais croyants.

Donc chaque musulman Ahmadi bisin faire tous zeffors pou inculquer dans zot meme la pureté, noblesse et piété ki Hazrat Maryam (as) ti posséder.

Dans banes premiers lepok de l’Islam, banes madames ti montrer banes plus grand exemples dans zot compréhension et aussi façon ki zotte ti applique zotte connaissances. Jamais ene madame pas finne montrer ki li ena moins capacité ki ene missier, ki li dans banes domaines la guerre, dans l’agriculture, dans la médecine, la prière, dans compréhension et connaissance de Quran ou dans zotte nivo d’adoration. Ene parmi banes premiers exemples de sa banes madames la c’est Hazrat Maryam (as). Donc, récit de la vie de Hazrat Maryam (as) faire nous rappel ki nous kapave atteindre tou kitsoz si nous ena Allah a nous cote.

### **3. Trois pieds dattes- Hazrat Amina**

Hazrat Amina bint Wahb ti enn tifi noble ki sorti d’ene famille bien respecté depi tribu Banu Zuhrah de Quraish. Banes différents récits dire ki li ti ena a peu près 20 ans kan li ti marier. Imper le temps après meme, so missier, Abdullah finne décéder.

A sa moment la, nous ti kapave imaginer ki douler ki le papa de Abdullah ; Abdul Muttalib ti ressenti mais douleur ki Hazrat Amina ti ena dans so le cœur ti encore plus grand. Après tout, perdi ene missier kan finne fek marier, li pas ene zafaire facile ditout et l’absence de Abdullah ti laisse ene cicatrice dans la vie de Hazrat Amina.

Souvent, banes jeunes mariées, ki encore jeune dan l'âge et ki naturellement ena boukou modestie, zot pa kapav exprime zot l'émotion, zot douleur ek chagrin dan sa banes situations la. Alor, zot obliger garde sa douleur dan zot prop leker.

Par sa, nous kapav zis essaie imaginer douleur ki Hazrat Amina ti bisin supporter.

Mais, bien vite, réconfort d'Allah finn vini pou soutenir Amina. Dan sa banes jours la, Amina ti faire enn rêve kot li finne trouver line donne naissance a ene garçon et dans meme rêve, li finne dire ki sa zenfan la pou appel Muhammad (saw). En plus, li ti osi trouve ene lumière immense sorti depi sa zenfan la ek finn propager ziska bien loin.”

*(The Life and Character of the Seal of the Prophets Vol I – Hazrat Mirza Bashir Ahmad (ra) p125-126)*

Kan le Saint Prophète Muhammad (saw) ti ena zis 6 ans, Hazrat Amina ti tombe malade. Kan Hazrat Amina ine réaliser ki li pa ti pou viv pli lontan, li ti faire sa dua la:

“Mo cher zenfan! Ki Allah beni toi. Mo certain ki Allah Tout-Puissant, ki le plus Glorieux ek le plus Honorable, pou nomme toi pou servi so banes serviteurs.”

Hazrat Amina ti connu pou so pureté, so dignité, ek so respect envers lezotte dimounes. Mem si so la vie ti courte, so l'influence lor l'éducation ek formation du Saint Prophete (saw) ti ena enn impact

durable lor so caractère ek so mission en tant ki le prophète d’Allah.

*(The Holy Prophet of Islam Hadrat Muhammad Mustafa – Dr Karimullah Zirvi, 2009, pg 47-48)*

Donc, nous trouver ki sa 3 madames ki représenter lor le drapeau de la Lajna la zotte ti ena ene très grand statut. Zotte finne établir banes exemples pou banes madames et banes missiers suivre. Zotte la vie rempli de sacrifice et ene croyance absolu en Allah.

Ki Allah donne nou la force pou suivre banes exemples noble coumsa meme. Ameen!

**Activity- Interactive discussion to be carried out by the moderator:**

Faire banes membres:

- Raconte banes incidents/enseignements touchants ki zotte koner depi la vie de sa 3 madames ki finne mentionner la haut la.
- Ki nous apprane de zotte la vie, d’ene point de vue Tarbiyat ?
- Ki lezot exemples de banes madames ki finne marque l’histoire de l’Islam et l’Ahmadiyyat ki zotte koner ? Ki lessons nous tirer de zot la vie ?

**7. Additional activities (Quiz/ Fun games etc) – To be organised as per members’ preferences.**

--End of Tarbiyyat Class--



## **Terme 3: Juillet ziska Septembre 2025**

**Thème: L'importance faire Namaz et kouma pou développe sa l'habitude la dans nous zenfan**

### **1. Tilawat Quran**

Chapitre 5 Versets 55-57 avec traduction en Urdu et Creol

### **2. Ahad and Dua**

### **3. Short welcome speech by branch sadr**

### **4. Nazm**

### **5. Tarbiyat program- To be carried out by a moderator (appointed by the Branch sadr) :**

Allah finne ordonne nous pou :

*« Observe la Prière dans commencement li zour et dans so la fin, et dans certaine parties la nuite ki costé are li zour. En vérité, banes vertus éloigne banes mauvais. Ça li ène grand conseil pou banes ki donne conseil. » (Quran, Chapitre 11, Verset 115)*

De la meme façon, afin ki kapave maintenir enn l'équilibre dan le monde, Allah Tout-Puissant, avec So sagesse infinie, finn accorde banes différents rôles a banes missiers et banes madame. Zotte tous les deux pou reponne devant Allah lor manier zot finn rempli zot devoir respectif.

A propos sa, Le Saint Prophete (saw) finne dire ki parey kuma ene berger ena le devoir pou protège so banes moutons, de la meme façon, chaque missier et madame ena responsabilité pou accompli zotte devoir ki finne prescrire par Allah Li meme.

Donc, si enn missier finn gagne responsabilité pou accompli banes besoins financier de so famille, li bisin porte attention lor sa kitsoz la.

De la meme façon, si Allah Ta'ala finn place lor enn madame la responsabilité pou assure la formation morale ek religieuse so banes zanfan, ek pou protege so lakaz ek dibiens de so missier, li bizin certainement porte attention a sa.

*(Adresse Huzur (atba)- National Ijtema Lajna Imaillah UK, le 24 Septembre 2017)*

Ene de banes plus grands devoirs d'ene croyant envers so Créateur c'est pou observe Salat dans banes l'heures ki fine prescrire. Sa li applique aussi à banes zenfans. Donc, li responsabilité d'ene maman pou veiller a ceki so banes zenfans pe accompli sa devoir la.

**Kifaire li important pou nous mette l'accent lor importance de Namaz pou nous banes zenfans ?**

### **1. Li enn Pilier Islam**

- Namaz li enn parmi les cinq piliers Islam ek li fondamental dan la foi d'ene musulman.

- Alors ki banes lezot piliers (kouma Zakat, Hajj, ou bien le Jeûne) ena banes conditions spécifiques ki attacher ek zotte, Namaz li obligatoire dans tous les circonstances, sans exception.
  - Sa montrer so l'importance dans la vie enn croyant.
- 

## **2. Namaz aide Développe enn relation personnel avek Allah**

- Namaz li ene moyen direct pou nous connecter avec Allah, parski c'est le moment kot nous kapave exprime nou l'amour, nous gratitude, ainsi ki nous banes problèmes.
  - Kan Allah exauce nou banes dua, sa faire nous la foi renforcé et nous senti proximité d'Allah encore plus dans nous la vie.
  - Sa interaction spirituel la aide banes zenfan comprend l'importance pou rappel Allah dans tou zot actions.
- 

## **3. Namaz li la clé pou prospérité ek succès**

- Namaz li enn moyen pou demande l'aide Allah dan tous circonstances nous lavi—ki dans banes études, banes objectifs personnel, et banes lezot kitsoz ki important pou nous.
  - Sa li aide banes zenfan réaliser ki zot kapav depann lor Allah dan zot banes défis au quotidien.
-

Donc, nous trouver ki montrer banes zenfan l'importance de Namaz, li pas zis aköz li ene devoir religieux, mais osi aköz Namaz li ene moyen pou développe enn relation profond avek Allah ek trouve réconfort ek guidance dan tou aspects zot lavi. Et c'est sa meme ki pou crée enn fondation solide de zot la foi en Allah dans le futur.

Concernant l'importance Namaz, Hazrat Abu Huraira (ra) raconter ki li finn tende le Saint Prophète (saw) dire:

"Dir mwa, si enn parmi zot ti ena enn la rivière ki pe couler devan so laporte ek li ti baigne ladan cinq fois par zour, eski kitte saleté ti pou reste lor li?"

So banes compagnons ti reponne:

"O Prophète Allah! Pena aucun saleté ki pou reste lor li."

Le Saint Prophète (saw) finne dire:

"Li parey pou banes cinq Namaz au quotidien. A travers sa banes Namaz la, Allah efface tou banes péché." (*Bukhari et Muslim*)

---

### **L'Importance Namaz dans banes paroles du Messie Promis (as)**

Nous bisin profiter kan nous encore jeune, kan la santé bon ek le corps fort, nous bisin porte plus attention lor faire adoration d'Allah.

A propos sa, le Messie Promis (as) finne dire :

« Si ene dimoune finne passe sa l'époque la (c.a.d so jeunesse) dans faire Allah So adoration, dans faire so propre réforme et dans obéir Allah, fruit ki li pou gagner en rétour c'est ki kan li pou dans l'âge

avancer et ki li nepli kapav faire banes actes d'adoration et ki li vinne bien faible, banes anges pou continuer écrire sa banes meme namaz la, sa banes meme roza la et sa banes meme tahajjud ki li ti pé faire kan li ti jeune la dans so compte meme si li pas pé faire li. Et sa c'est Allah Ta'Ala So la Grace sa ki meme si li nepli kapav faire sa banes actions la, Allah pas seulement exempter li de sa mais Li aussi considérer ki li finne accompli sa banes actes d'adoration la et sa dimoune la gagne so récompense pou sa. (Malfuzat, Vol.4, pp. 19)

---

## **Ki Huzur (atba) finne dire lor Salaat ?**

### **1. Parents bisin vinne banes exemples**

Dan so Khutbah le 20 Janvier 2017, Huzur (aba) ti faire ressortir ki si banes parents zot mem zot pas ponctuel dan Namaz, be kouma zot kapav attane ki zot banes zanfane faire li?

Huzur (atba) dire:

"Meme si banes zanfane tende lor l'importance Salat dan banes program Jama'at mais si dans lakaz zot trouv zot banes parents ki pas régulier dan faire namaz, be lera sa pou ena ene mauvais l'impact lor zotte. »

Pli devant, Huzur (atba) finne aussi mentionner ki bien souvent, banes parents donne priorité lor banes désirs ek succès mondain pou zot ek zot banes zanfane, mais zot néglige sa ki pli important: le progrès spirituel.

### **2. Créer Attachement avec Masjid:**

Dans ene lot khutbah, le 1<sup>er</sup> Octobre 2004, Huzur (atba) finne dire :

"Nou bizin inculquer l'esprit pou ress attacher avec masjid dan nou banes zanfan. Si nou koumans enseigne banes bons pratiques dan lakaz, lerla nou pou reussi pou encourage lezotte faire le bien. Tant ki nous pas transforme nous meme et inculquer banes bons l'habitudes, li pou impossible pou reforme lezotte. »

Asterla, nous guette imper banes questions ki banes zenfan kapave poser concernant Namaz, et ki reponse bisin donne zote.

### **Qu.1. Kifaire bisin faire Namaz 5 fois par jour ?**

Avec banes distractions modaines, bien souvent ene dimoune fini oublier so banes obligations envers so créateur. Afin ki kapave développe banes bons l'habitudes, li important pou créer ene routine dans nous la vie. Kan ene musulman faire Namaz 5 fois par jour, sa aide li pou développe ene l'habitude pou li rappel Allah tous les jours. Donc, sa 5 namaz ki nous faire a banes l'heures spécifiques la faire ki nous tout le temps ress proche avec Allah et ki nous ress loin de banes problèmes.

Le Saint Prophete (saw) finne dire :

« Banes 5 Namaz au quotidien, et Namaz ki nous faire depi ene Vendredi ziska l'autre Vendredi, zotte banes moyens pou efface banes péchés ki finne commette entre sa period letemps la, aussi longtemps ki ene dimoune pas finne commette banes péchés ki grave. » (Muslim)

## **Qu.2. Mo banes dua pa pe exaucé, kifer mo bizin contine essayer?**

Pou reponne sa, nous zis bisin guetter ki Quran in dire lor la.

Allah dire: “.. *Et li possibe ki zotte content ène soze alors ki li mauvais pou zotte. Allah conné alors ki zotte pa conné.*” [2:217]

Nous bisin explik banes zenfans ki li possible ki dua ki zotte pe faire la, li pas dans zotte meilleur intérêt et avec la Sagesse ki Allah posséder, sa dua la li pas pe exaucer, parski Li koner ki sa li pas bon pou zotte.

Dans ene so Khutbah, Hazrat Musleh Maoud (ra) ti donne sa l'exemple la :

“Allah Li nou Créateur ek le Roi de l'univers. Meme en ceki concerne banes kitsoz mondaines, kan nou ale rod ene faveur avek ene le roi ou ene président, nou **pa** atann ki tou nou banes demande pou exaucer. Be Kouma nou kapav atann ki Allah exauce tous nous demandes ? Si sa ti le cas, si Allah ti bizin exauce tou demandes, be lerla Allah ki ti pou vinne nous serviteur, et nous banes dimounes ti pou vinne banes les rois. »

*(Khutbah Jummah, Hazrat Musleh Maoud<sup>(ra)</sup>, 21 Juliet 1916)*

## **Qu.3. Mo trouve difisil pou lever pou Fajr, eski mo kapav faire li kan mo lever plus tard ?**

Dans Quran, Allah dire :

*« Sirveille avec rigueur zot banes la Prières et sirtout la Prière du millieu et diboute divant Allah avec soumission. » [2:239]*

**Dans so Khutbah 23 Septembre 2018, en expliquant sa verset la, Huzur (atba) finne dire :**

“A présent, ena boukou dimounn, incluant banes jeunes, reste lever ziska tard dan la nuit aköz zot ena pou étudier, ou dans certains cas zotte perdi temps dan banes activités immorales ou inutiles kouma surfer lor internet, guette banes films, ou bien passe zot le temps scroll lor zot téléphone ou tablette, ou bien envoie banes messages tard dan l’nuit. En rezilta de tou sa, zot pa lever pou Fajr et pou sa banes dimounes la, zot Namaz du millieu (Namaz ki ene dimoune trouve plus difficile pou faire et ki li ratter souvent) c’est le Namaz Fajr. »

Donc, Huzur (atba) ti encourage banes Khuddam et Atfal pou dormi bonheur afin ki zotte kapave lever pou Fajr. Si sa pa possible, zot bizin tout aumoins dormi avek enn ferme détermination pou lever pou Namaz Fajr.

**Qu. 4. Mo pas trouve mo papa/mama faire namaz régulièrement, kifaire mo bisin faire Namaz moi?**

En premier, pou sa zenfan la, li bisin kompran ki Allah ine donne ene instruction bien formel a chaque musulman pou faire So adoration. Celui ki pas pe faire, li bisin repone pou sa au jour du Jugement.



Banes parents ki retrouve zot dan ene situation kot so zenfan in pose sa question la, bisin gagne buku tracas parski sa parent la pe mette doute dans so zenfan so la tête ; ene coter ena instruction d'Allah et lot koter li pe trouve l'exemple de so parents.

Kan sa 2 kitsoz la pas en ligne, lerla sa zenfan la déchirer entre 2 choix et li nepli koner si li bisin suiv Allah So instruction ou bien l'exemple so parents.

Et bien souvent sa less banes séquelles dans zenfan la so la vie parski a sa lage la, li pe rode banes repères, et so plus grand repère c'est so parent.

Donc li important ki banes parents réaliser ki chaque ti action ki zot pe fair azordi, pou ena ene l'effet lor zot zenfan.

Le Saint Prophete (saw) fine dire ki

“Saken d'entre zotte, zote ene berger, et saken responsable pou so propre troupeau.. » (Sahih Muslim)

Sa pe mette l'emphase lor responsabilité de banes parents pou guide zot zenfan.

Pli grand cado ki ene parent kapave donne so zenfan c'est l'habitude fer namaz régulièrement. Donc, banes parents ki pas fer namaz, zot pe prive zot zenfan de pli zoli cado ki kapave exister.

Ki Allah aide nous pou accomplir nous devoir en tant ki ene maman Ahmadi dans faire Tarbiyat de nous banes zenfan de sorte zotte vinne banes membres exemplaires de la Jama'at insha'Allah.

**Activity- Interactive discussion to be carried out by the moderator:**

Faire banes membres:

- Donne bannes moyens couma kapave faire bannes zenfan vinne ene model pou la Jama'at.

**Examples :**

- How can parents ensure their own behavior aligns with the teachings of Islam and Ahmadiyyat, knowing that children learn by observing their parents?
- What steps can parents take to instill the habit of regular prayer (Salat) in their children?
- How can parents teach their children to love Khilafat and remain obedient to its guidance?
- How can parents foster honesty, humility, and kindness in their children from an early age?
- How can parents encourage children to balance religious education with secular knowledge?
- How can parents inspire children to actively participate in Jamaat programs, such as Waqf-e-Nau, Atfal, Nasirat, or Khuddam-ul-Ahmadiyya?

**6. Additional activities (Quiz/ Fun games etc) – To be organised as per members' preferences.**

--End of Tarbiyyat Class--

**Si zotte faire reformation 50 pourcent  
de bannes madames, l'Islam pou  
gagne la victoire.**

*(Hazrat Musleh Maud (ra))*



**Lajna Imaillah Mauritius**

Member of CMA